



Inatsisartunut ilaasortaq Jens-Erik Kirkegaard  
Siumut

### **Pisortat inissiaataat attartortittakkat pillugit apeqqutinut akissutit**

Brevdato: 27.01.2017

Asasara Jens-Erik Kirkegaard

Sags nr. 2017-1266

Dok. nr. 16611279

Nuummi inissiat nalinginnaasut pillugit apeqqutinut nassiussannut qujanaq. Ataani apeqqutitit issuarneqartassapput taavalu akineqartassallutik. Apeqqutit Kommuneqarfik Sermersuumut attuumassuteqartut Iserit A/S-imut, kommunip illuutaasa ingerlannerannik isumaginnittumut, akineqartussanngorlugit nassiuneqarsimapput.

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

### **Ad.1. Inissiat nalinginnaasut Nuummi ukiut 4 kingullit nutaat qassit naammassillugit sanaartorneqarpat?**

Iserit A/S ilisimatitsivoq: Kommuneqarfik Semersooq ukiuni kingullerni 4-ni pisortat inissiaataannik attartortittakkanik naammassillugit sanaartorsimangilaq. Maannakkorpiaq Tuujuk/Lille Slette-mi inissat 126 sanaartorneqarput Qinngorpumilu inuusuttut inissaat 23.

Namminersorlutik Oqartussat Nuummi inissianik attartortittakkanik sanaartorsimangillat kisiannili Illuut A/S-imut aningaasanik atukkiisimalluni inissanik sanaartorluni atugassanut.

Illuut A/S ilisimatitsivoq ukiuni kingullerni 4-ni uku atulersissimallugit:

Natsiaq 2 – Nuummi inissat 16: 1.746 m<sup>2</sup> kvadratmeterimut akeqartillugit 16.954,60 kr.

Natsiaq 4 – Nuummi inissat 28: 1.831 m<sup>2</sup> kvadratmeterimut akeqartillugit 19.648,21 kr.

Igimaq 2, 4, 6, 8, 10 aamma 12: inissat 96: 8.961 m<sup>2</sup> kvadratmeterimut akeqartillugit 18.652,59 kr.

Norsaq 9, 11 aamma 13: inissat 81: 8.433 m<sup>2</sup> kvadratmeterimut akeqartillugit 18.652,59 kr.

### **Ad. 2. Inissiat nalinginnaasut ukiut sisamat kingullit sanaartorneqartut naammassillugit, qassit Namminersorlutik Oqartussanit akilerneqarpat pigineqarlutillu, qassillu Kommuneqarfik Sermersuumit akilerneqarpat pigineqarlutillu?**

Iserit A/S ilisimatitsivoq:

Apeqqut 1 takuuk. Kommune ukiuni kingullerni 4-ni atulersimasunik nammineq sanaartorsimangilaq. Taamaattorli januar 2016-imi blokki Kujallerpaat 24 (B-4036) katillugit 29,9 mio. kr.-nik akilerlugu pisiarisimavaa. B 4036 24-nik inissiaqarpoq arealiilu katillugit 1.048 kvadratmeteriullutik.

Namminersorlutik Oqartussat Nuummi inissianik attartortittakkanik sanaartorsimangillat.

### **Ad. 3: Inissiat nalinginnaasut ukiut sisamat kingullit sananeqartut naammassillugit, Nammi-nersorlutik Oqartussat sanatitaanni kvadratmeterimut agguaqatigiissillugu qanoq akeqarpat, taamatullu Kommuneqarfik Sermersuup**

**sanatitaanut naammassillugit, kvadratmeterimut agguaqatigiissillugu qanoq akeqarpat?**

Iserit A/S:

Apeqqut 1-imut akissut takuuk.

Namminersorlutik Oqartussat Nuummi inissianik attartortittakkanik sanaartorsimangillat.

**Ad. 4. Ukiuni qulaani pineqartuni, tassalu sisamani kingullerni, Nuummi inissiat qassit nunguterneqarpat, allatulluunniit atorunnaartinneqarpat / ineqarfiujunnaartinneqarpat?**

Iserit A/S ilisimatitsivoq:

Blokkit E-F-G-H-K Tuujuk/Lille Slette-miittut kommunip inissiaataanik nalinginnaasunik katillugit 80-inik ineqartut piffissami pineqartumi isaterneqarsimapput.

Taarsiullugit sanaartortitsinerit ingerlanneqarput.

Namminersorlutik Oqartussat ukiuni kingullerni 4-ni pisortat inissiaataannik attartortittakkanik isaterisimangillat. Kisianni Namminersorlutik Oqartussat illuuteqarput arlalinnik isaterneqartussatut pilersaarutaasunik. Taakkununga ilaallutik inissat inoqanngitsut arlallit.

2017-imut Aningaasanut Inatsimmi, qallunaatuani qupp. 591, kalaallisuuani qupp. 687, init kollegiallu nutarternessaannut suliniut nassuiarneqarpoq. Taamaalluni maannakkorpiaq illuutit 10 isatigassanngorsimapput: Tassaappullu:

B 1433, Blok 1, inuerussarneqarpoq  
B 380, Kongevej 13, suli inoqarpoq  
B 270, Kongevej 11, suli inoqarpoq  
B 442, Kongevej 9, suli inoqarpoq  
B 76, Noorlernut, inoqanngilaq  
B 237, Noorlernut, inoqanngilaq  
B 586, Saqqarlernut, inoqanngilaq  
B 587, Saqqarlernut, inoqanngilaq  
B 453, Kujallerpaat, inoqanngilaq  
B 454 Kjallerpaat, inoqanngilaq

Aammattaaq B 1403, Aqqusinersuaq 21, 2016-imi tunineqarsimavoq, naleqqiuguk hovedkonto 72.06.51 Illuutininik tunisineq (FL 2016)-imut oqaasertaliussaq nr. 1.

Tassungattaaq atatillugu november 2016-imi missingersuutininik malittareqqiinnermut atatillugu INI ilisimatitsivoq Nuummi inissiat 30 inoqanngitsut oqoqarnerat pissutigalugu.

Tassunga atatillugu oqaatigineqassaaq ukiuni makkunani oqoqarnerup akiornissaanut aningaasat amerlasuut immikkoortinneqartarmata, taamatut suliniuteqarneq "inissat qungujulasut"-mik taallugu, Blok 2-mi aamma 10-mi inissiani misiliutitut ingerlanneqareersimavoq. Suliniut taanna misilittarneqarluariilivippoq, sumiiffimmi namminersortuaqqat suliniut aalajangersimasoq malittarineqartoq ingerlattarlugu inissiat ataasiakkaat pineqartut annertuumik allanngortittarlugit. Inissiat ataasiakkaarlugit nutartertarlugit ingerlagaanni sumiiffimmi namminersortuaqqat neqerooruteqartarnissaminut periarfissaqarput, inissiat amerlasuut ataatsikkut nutarterneqarnissaannut taarsiullugu. Taamaaliornikkuttaaq nutarterineq suliassaaleqisarfiup nalaani ingerlanneqarsinnaasarluni. Taamaammatt uningaannarnerit oqoqarnermik peqquteqartut ikilisinneqarnissai pimoorullugit sulissutigineqarput.

Tamatuma saniatigut Inissanik Suliarinnittoqarfimmut Pilersaarut suliarineqarpoq, tassani illut tamarmik ataasiakkaarlugit sammineqartarlutik nutartertariaqassusiallu nassuiarneqartarluni. Taamaalilluni illuutini ataasiakkaani inissat nutartertariaqarnersut isartertariaqarnersulluunniit nalilersorneqarlunilu pingaarnersiorneqarsinnaavoq.

Piffissami pineqartumik illut ilaqutariinnut ataatsinut inissat inoqanngitsut aserfallatsaaliorneqarusunngitsut tunineqarsimapput:

B 206	Quassunnguaq 9
B 208	Quassunnguaq 5
B 1357	Tuapannguit 28
B 1687	Isaajap aqq. 9
B 1906	Manngua 40
B 1909	Manngua 52
B 1911	Manngua 56
B 1990	Manngua 20
B 1991	Manngua 22

Inussiarnersumik inuulluaqqusillunga

Martha Lund Olsen